




Lesona 10
hatao ny 5
Septambra,
2026

NY TENA FANOMPOANA KRISTIANA

"Voageja manodidina izahay, nefa tsy tery; very hevitra, nefa tsy mamoy fo; enjehina, nefa tsy nafoy, potraka, nefa tsy maty; mitondra ny fahafatesan'i Jesosy mandrakariva ao amin'ny tena izahay, mba haseho ao amin'ny tenanay koa ny fiainan'i Jesosy" (2 Korintiana 4:8-10)



Iza no milaza fa milamina ny fiainan'ny pasitora? Misy andraikitra lehibe ny fanompoana ho an'ny filazantsara, ary tsy ieren-doza mandrakariva ny ezaka ataon'izy ireo.

Ny fitiavana ireo fanahy very, sy ny fiahiana feno fahalemam-panahy tsy maintsy asehon'izy ireo mba hihazonana sy hanorenana ireo izay nandray ny filazantsara, no mampiavaka ny mpanompo marina amin'ny ambodia masiaka.

Rehefa miara-miasa amin'ny mpitandrina ny fiangonana ary mandray fanapahan-kevitra hentitra ho amin'ny fiovan'ny fomba fiainany, dia hanjary ho singa mpampihavana izay hanapariaka fiononana ho an'ny rehetra izy.



NY ASAN'NY PASITORA



Mpanompo mahaleo



Ny loza mety hitranga eo amin'ny fanompoana



NY ANDRAIKITRY NY MAMBRA



Ambasadaoro mpampihavana



Antso ho amin'ny fahamasinana



NY VOKATRY NY FIARAHA-MIEZAKA



Fiononana sy hafaliana

NY ASAN'NY *PASITORA*

MPANOMPO MAHALEO

"Hianareo no epistilinay voasoratra ato am-ponay sady fantatry sy vakin'ny olona rehetra" (2 Korintiana 3:2)

Misy zavatra tsy miova loatra mandritra ny fotoana mifandimby. Mbola manokatra varavarana ny taratasy fanamarinana ankehitriny, toy ny tamin'ny taonjato voalohany. Moa nila taratasy fanamarinana ve i Paoly vao ho raisin'ny fiangonana tao Korinto? (2 Korintiana 3:1) Manana ny taratasy fanamarinana tena manan-kery indrindra izy: ny Korintiana ihany (2 Kor. 3:2). Novain'ny fahasoavan'Andriamanitra ny fon'izy ireo, tamin'ny alalan'ny toriteny nataon'ilay apostoly sy ireo mpiara-miasa aminy (2 Kor. 3:3).

"Mpanompo amin'izay fanekena vaovao" i Paoly sy ireo mpanampy azy (2 Kor. 3:6). Fanekena feno voninahitra, voasoratra ny Fanahy Masina ao am-po ho amin'ny fiainana mandrakizay. Saingy nanaraka fanekena hafa ny sasany, dia ny famonjena amin'ny alalan'ny asan'ny Lalàna voasoratra tamin'ny vato, izay nanakana azy ireo tsy hahita ny voninahitry ny fahasoavana (2 Kor. 3:7-9).



NY LOZA METY HITRANGA EO AMIN'NY FANOMPOANA

"Fa ny zavatra rehetra dia natao noho ny aminareo, mba hitomboan'ny fisaorana ho voninahitr'Andriamanitra noho ny fitombon'ny fahasoavana amin'ny maro." (2 Korintiana 4:15)

Fantatr'i Paoly ary niaretany ny fahoriana noho ny fanompoana. Fantany koa fa tsy mahafantiantoka izany fahoriana izany, fa nozakainy noho ny fitiavany ireo olona izay nomeny tombontsoa handray ny famonjena (2 Kor. 4:15). Ankoatra izany, dia azony antoka ny fanampian'Andriamanitra (2 Kor. 4:7-9):

Isika dia...

voangeja

very hevitra

enjehina

potraka

nefa...

tsy terỳ


tsy mamoy fo

tsy nafoy

tsy maty

Olombelona marefo no mitory ny filazantsara mba ho an'Andriamanitra irery ihany ny voninahitra.

Ny fahoriana dia "fahoriana maivana, izay vetivety foana" raha oharina amin'ny "voninahitra mavesatra maharitra mandrakariva" izay ho raisintsika amin'ny andron'ny fitsanganana amin'ny maty (2 Kor. 4:14-18).



NY ANDRAIKITRY NY MAMBRA

AMBASADAORO MPAMPIHAVANA

"Fa izany rehetra izany dia avy amin'Andriamanitra, Izay nampihavana antsika taminy amin'ny alalan'i Kristy sady nanome anay ny fanompoana fampihavanana." (2 Korintiana 5:18)



Ny hery manosika izay tokony hitondra ny fiainan'ny fiangonana (sy ny mambra tsirairay) dia izao: "Fa ny fitiavan'i Kristy no manery anay," (2 Korintiana 5:14). Toy ny ahoana io fitiavana io, ary manery antsika amin'ny inona?



Nanolotra ny ainy noho ny fitiavana i Kristy. Manery antsika hivelona ho Azy izany (2 Korintiana 5:14-15).



Nanao antsika ho olom-baovao i Kristy. Manery antsika hamela ny fiainantsika tamin'ny lasa ho ao aoriana izany (2 Kor. 5:17)



Nampihavana antsika tamin'Andriamanitra i Kristy. Manery antsika ho ambasadaoro mpampihavana izany (2 Kor. 5:18-20).



Mitarika antsika ho amin'ny fiovam-piainana mahery vaika, noho izany ny fitiavan'i Kristy. Mitarika antsika koa, hizara amin'ny hafa izany fitiavana izany, sady mampirisika azy ireo hanaiky ilay hafatra feno fanantenana, ny fiainana ny fitiavan'i Kristy: "Mihavàna amin'Andriamanitra anie ianareo" (2 Kor. 5:20).



ANTSO HO AMIN'NY FAHAMASINANA



Mahapaka ny fiainan'ny mpitandrina sy ny mambra ny antso ho amin'ny fahamasinana:

Miaritra toe-java-tsarotra (2 Kor. 6:4-5)

Mitondra ny vokatry ny Fanahy (2 Kor. 6:6)

Marina sy mahitsy (2 Kor. 6:7)

Mijoro tsara manoloana ny toe-javatra rehetra
(2 Kor. 6:8-10)

Manokatra ny fontsika amin'ny hafa (2 Kor. 6:11-13)

Mihataka amin'ireo hery miasa mangina mampidi-
dozan'ny tsy mpino (2 Kor. 6:14-15)

"Koa raha manana ireo teny fikasana ireo isika, ry malala, dia aoka isika hanadio ny tenantsika ho afaka amin'ny fahalotoana rehetra, na amin'ny nofo, na amin'ny fanahy, ka hahatanteraka ny fahamasinana amin'ny fahatahorana an'Andriamanitra." (2 Korintiana 7:1)

Mamintina ny antso ho amin'ny fahamasinana sy ny vokany i Paoly, amin'ny fanakambanana andininy samihafa ao amin'ny Testamenta Taloha (2 Kor. 6:16-18):

Nantsoina

- Miala eo amin'ny toerana misy ota
- Mihataka amin'ny mpanota
- Tsy manendry izay tsy madio

Vokany


- Honina eo aminao Aho
- Ho Andriamanitrao Aho
- Ho oloko ianao
- Handray anao Aho
- Ho Rainao Aho

**NY VOKATRY NY FIARAH-
MIEZAKA**

FIONONANA SY HAFALIANA

“Be ny fahatokiako anareo, lehibe ny reharehako ny aminareo; feno fiononana aho sady be hafaliana indrindra amin'ny fahorianay rehetra.” (2 Korintiana 7:4)

Be hafaliana indrindra i Paoly, na dia niatrika olana maro aza (2 Kor. 7:4). Inona no nitondra hafaliana ho azy? Nanoratra taratasy hentitra, nitondra alahelo ho an'ny Korintiana i Paoly (2 Kor. 7:8). Nefa nitondra azy ireo ho amin'ny fibebahana izany (2 Kor. 7:9-10). Nanova tanteraka ny fifandraisan'izy ireo tamin'i Paoly izany, sy tamin'izy samy izy (2 Kor. 7:11-12).



Koa dia, nisy fiononana ho azy rehetra. Nahazo fampiononana koa i Titosy, mpiara miasa amin'i Paoly (2 Kor. 7:7). Nahazo fampiononana i Paoly noho ny fahatongavan'i Titosy (2 Kor. 7:6). Nandray fampiononana ny Korintiana, izay nampionona an'i Paoly ihany koa (2 Kor. 7:13).

Nefa, tsy nirehareha ny amin'izany i Paoly. Raha afaka mifaly sy mandray fampiononana ny mpitandrina sy ny mambra, dia satria Andriamanitra no “mampionona ny mpandefitra” (2 Kor. 7:6a).

“Ny fanompoana dia midika ho asa fanaovantsoa ny hafa, ary isika rehetra no antsoina ho amin'izany fanompoana izany. Fahafaham-baraka ho an'Andriamanitra ny fisafidianan'ny olona iray hanana fiainana mifantoka amin'ny fahafinaretan'ny tenany manokana ihany. Ry ranadahy sy rahavavy, moa tsapanareo fa isan-taona dia olona an'arivony maro no very sy maty ao anatin'ny fahotany satria tsy naseho teo amin'ny lalany ny fahazavan'ny fahamarinana?

Misy asa lehibe tokony hatao eto amin'izao tontolo misy antsika izao. Lehilahy sy vehivavy maro no mila miova fo; tsy amin'ny alalan'ny fanomezam-pahasoavan'ny fiteny na amin'ny alalan'ny fanaovana fahagagana izany, fa amin'ny alalan'ny fitoriana an'i Kristy izay nohomboana tamin'ny hazo fijaliana. Nahoana no ampiandrasina ny fanaovana izany ezaka izay hanatsara an'izao tontolo izao izany?